

K204.3

1

資治通鑑卷第四十九

翰林學士兼侍讀學士朝散大夫右諫議大夫知制誥判尚書都省兼提舉

萬壽觀公事上護軍河內郡開國侯食邑千三百戶賜紫金魚袋臣司馬光奏

勅編集

後學天台胡三省音註

漢紀四十一

起柔兆敦牂盡旃蒙單閼凡十年

孝殤皇帝

諱隆和帝少子也謚法短折不成曰殤伏侯古今註曰隆之字曰盛

延平元年春正月辛卯以太尉張禹為太傅司徒徐

防為太尉叅錄尚書事太后以帝在襁褓

襁居兩翻保音保

欲令重臣居禁內乃詔禹舍宮中五日一歸府每朝

見特贊與三公絕席

特贊者每朝見贊拜者先獨贊禹名既乃贊太尉名以下禹不

與三公同贊也絕席者朝位獨在百僚上不與三公聯席也朝直遙翻見賢遍翻

封皇兄

勝為平原王

癸卯以光祿勳梁鮪為司徒

鮪于軌翻

三月甲申葬孝和皇帝于慎陵

賢曰慎陵在雒陽東南三十里

廟曰

穆宗

丙戌清河王慶濟北王壽河間王開常山王

章始就國

濟子禮翻

太后特加慶以殊禮

殊異也其禮異於諸王也

慶

子祐年十三太后以帝幼弱遠慮不虞留祐與嫡母

耿姬居清河邸

為帝崩立祐張本

耿姬况之曾孫也

耿况以上谷從

光武祐母健為左姬也

健居言翻

夏四月鮮卑寇漁陽漁

陽太守張顯率數百人出塞追之兵馬撓散授諫曰

前道險阻賊勢難量

掾俞綰翻量音良

宜且結營先令輕騎

偵視之顯意甚銳怒欲斬之遂進兵遇虜伏發士卒

悉走唯授力戰身被十創手殺數人而死

緣邊郡曹有兵馬掾

掌兵馬偵丑鄭翻創初良翻

主簿衛福功曹徐咸皆自投赴顯俱

沒於陳

陳讀曰陣

丙寅以虎賁中郎將鄧騭為車騎將

軍儀同三司

三司三公也晉職官志曰儀同三司之名始此騭職曰翻

騭弟黃門侍

郎悝為虎賁中郎將弘闇皆侍中

悝苦田翻闇齒良翻

司空

陳寵薨

五月辛卯赦天下

壬辰河東垣山崩

賢曰

垣縣今絳州縣也

六月丁未以太常尹勤為司空

郡國

三十七雨水

已未太后詔減太官導官尚方內署

諸服御珍膳靡麗難成之物

賢曰太官令周官也秩千石典天子御膳導官掌擇

御米導擇也尚方掌作御刀劍諸器物內署掌內府衣物令秩皆六百石

自非供陵廟稻

梁米不得導擇朝夕一肉飯而已舊太官湯官經用

歲且二萬萬自是裁數千萬

百官志湯官丞主酒屬太官令

及郡國

所貢皆減其過半悉斥賣上林鷹犬

東都亦有上林苑在雒陽西斥

開也離宮別館儲峙米糒薪炭悉令省之

峙丈里翻糒音備

丁卯詔免遣掖庭宮人及宗室没入者皆為庶民

秋七月庚寅敕司隸校尉部刺史曰

司隸校尉及諸州部刺史

也間者郡國或有水災妨害秋稼朝廷惟咎憂惶悼

懼

惟思也咎過也

而郡國欲獲豐穰虛飾之譽遂覆蔽災害

覆敷

又翻多張墾田不揣流亡

揣音初

競增戶口掩匿盜

賊令姦惡無懲

隱蔽盜賊不以上聞弗加誅討使姦惡無所懲艾

署用非次

選舉乖宜貪竒慘毒延及平民

賢曰平民謂善人也

刺史垂頭

塞耳阿私下比

塞悉則翻比毗至翻

不畏于天不愧于人

詩小雅何

人斯

假貸之恩不可數恃

數所角翻

自今以後將糾其罰

二千石長吏其各實覈所傷害為除田租芻橐

長知兩翻

為于

偽翻

八月辛卯帝崩

年二歲

癸丑殯于崇德前殿

賢曰

雒陽南宮有崇德殿

太后與兄車騎將軍隲虎賁中郎將惺等

定策禁中

惺苦回翻

其夜使隲持節以王青蓋車迎清河

王子祐

賢曰續漢志曰皇太子皇子皆安車朱班輪青蓋金華蚤皇子為王錫以乘之故曰王青

蓋車皇孫則綠車

齋于殿中皇太后御崇德殿百官皆吉服

陪位

賢曰不可以凶事臨朝改吉服也

引拜祜爲長安侯

賢曰不即立爲天子

而封侯者不欲從微即登皇位余謂先封侯者用立孝宣帝故事也

乃下詔以祜爲孝

和皇帝嗣又作策命有司讀策畢太尉奉上璽綬即

皇帝位

上時掌翻璽斯氏翻綬音受

太后猶臨朝

公羊傳曰猶者可止之辭

詔告司隸校尉河南尹南陽太守曰每覽前代外戚

賓客濁亂奉公

言其挾勢恣橫奉公之吏爲所濁亂也

爲民患苦咎在

執灋怠懈不輒行其罰故也

懈古監翻

今車騎將軍隲等

雖懷敬順之志而宗門廣大姻戚不少賓客姦猾多

干禁憲

賢曰干犯也

其明加檢敕勿相容護自是親屬犯

罪無所假貸

九月六州大水

丙寅葬孝殤皇帝

康陵

賢曰康陵在慎陵塋中與地

以連遭大水百姓苦役方中

祕藏

賢曰方中陵中也冢藏之中故言祕也孔穎達曰天子之葬掘地為方壙漢書謂之方中

中之內元累椁於其方中南面為羨道而入至方中乃屬紼於至壙說而載以龍輜從羨道而入至方中乃屬紼於

棺之緘從上而下棺入於椁之中方上謂覆抗方石上

及諸工作事減約十分

居一

十分居一者減其九分也

乙亥殯石于陳留

陳留郡在雒陽東五百三

里

詔以比地梁懂為西域副校尉

謹音勤校尉教翻

懂行

至河西會西域諸國反攻都護任尚於疏勒尚上書

求救詔懂將河西四郡羌胡五千騎馳赴之懂未至

而尚已得解詔徵尚還以騎都尉段禧為都護西域

長史趙博爲騎都尉禧博守它乾城

班超爲都護居龜茲它乾城

城小梁懂以爲不可固乃譎說龜茲王白霸

譎古穴

音上慈

欲入共保其城白霸許之吏民固諫白霸

不聽懂旣入遣將急迎段禧趙博合軍八九千人龜

茲吏民並叛其王而與溫宿姑墨數萬兵反共圍城

懂等出戰大破之連兵數月胡衆敗走乘勝追擊凡

斬首萬餘級獲生口數千人龜茲乃定

梁懂非不健聞然終不能

定西域者徒勇而無策畧也

冬十月四州大水兩雹

具翻

清

河孝王慶病篤上書求葬樊濯宋貴人家旁

欲從其母也

十一月甲子王薨

乙酉罷魚龍曼延戲

武帝元封三年作魚

龍曼延戲今罷之
曼音萬延衍面翻

尚書郎南陽樊準以儒風寢衰

上疏曰臣聞人君不可以不學光武皇帝受命中興

東西誅戰不遑啓處

處昌呂翻

然猶投戈講藝

藝六藝也

息馬

論道孝明皇帝庶政萬機無不簡心

朱子曰簡閱也

而垂情

古典游意經藝每饗射禮畢正坐自講諸儒並聽四

方欣欣又多徵名儒布在廊廟每讌會則論難衍衍

賢曰衍衍和樂貌也難乃旦翻衍苦旱翻又苦汗翻

共求政化期門羽林介胄

之士悉通孝經

期門即虎賁士

化自聖躬流及蠻荒是以議

者每稱盛時咸言永平今學者益少

少詩

遠方尤甚

博士倚席不講

賢曰禮記曰凡侍坐於大司成者遠間三席又曰若非飲食之客則布席

席間函丈注云謂講問客也倚席言不施講坐也

忠習談談之辭賢曰談談諛言也音踐前書臣愚以

爲宜下明詔博求幽隱寵進儒雅以俟聖上講習之

期時安帝始年十三故太后深納其言詔公卿中二

千石各舉隱士大儒務取高行以勸後進行下孟翻妙簡

博士妙精也簡擇也必得其人

孝安皇帝上諱祐肅宗孫也父曰清河孝王慶謚法寬容和平曰安伏侯古今注

曰祐之字曰福

永初元年春正月癸酉朔赦天下 蜀郡徼外羗內

屬徼吉弔翻下同二月丁卯分清河國封帝弟常保爲廣

川王廣川縣屬信都國賢曰故城在今冀州棗彊縣東北

庚午司徒梁鮪薨

三月癸酉日有食之 已卯永昌徼外焦僥種夷

陸類等舉種內附永昌郡在雒陽西七千二百六十里焦僥國人長不過三尺徼古弔

翻焦茲消翻僥倪 甲申葬清河孝王於廣丘廣丘在清

河晉縣後 司空宗正護喪事儀比東海恭王恭王葬

更名甘陵 五卷明帝永平元年考異曰 自和帝之喪鄧騭

帝紀書車騎將軍護葬今從傳 兄弟常居禁中騭不欲久在內連求還第太后許之

夏四月封太傅張禹太尉徐防司空尹勤車騎將軍

鄧騭城門校尉鄧悝虎賁中郎將鄧弘黃門郎鄧閭

皆為列侯禹安鄉侯防龍鄉侯騭上蔡侯悝葉侯弘西平侯閭西華侯閭音昌 考異曰袁紀

前作閭後作闔蓋誤

食邑各萬戶隲以定策功增三千戶隲及

諸弟辭讓不獲遂逃避使者聞關詣闕

賢曰聞關猶崎嶇也

上

䟽自陳至于五六乃許之

五月甲戌以長樂衛尉

魯恭爲司徒

樂音洛

恭上言舊制立秋乃行薄刑自永

元十五年以來改用孟夏

事見上卷

而刺史太守因以盛

夏徵召農民拘對考驗連滯無已

連謂獄辭相連及也滯謂留滯不決

也上逆時氣下傷農業案月令孟夏斷薄刑者謂其

輕罪已正

謂已結正也斷丁亂翻下同

不欲令久繫故時斷之也

臣愚以爲今孟夏之制可從此令其決獄案考皆以

立秋爲斷又奏孝章皇帝欲助三正之微定律著令

斷獄皆以冬至之前

事見四十七卷章帝元和三年

小吏不與國同

心者率十一月得死罪賊不問曲直便即格殺雖有

疑罪不復讞正

復扶又翻讞魚列翻又魚戰翻又魚蹇翻議獄也

可令大辟

之科

辟毗亦翻

盡冬月乃斷朝廷皆從之

丁丑詔封北

海王睦孫壽光侯普為北海王

和帝永元八年北海王威自殺今復紹封

壽光縣本屬北海後屬樂安國

九真徼外夜郎蠻夷舉土內屬

西域都護段禧等雖保龜茲而道路隔塞

塞悉則翻檄書

不通公卿議者以為西域阻遠數有背叛

數所角翻背蒲妹翻

吏士屯田其費無已六月壬戌罷西域都護

和帝永元三年

復置西域都護今罷

遣騎都尉王弘發關中兵迎禧及梁懂趙

博伊吾盧柳中屯田吏士而還

初燒當羗豪東號

之子麻奴隨父來降

東號降見四十七卷和帝永元元年降戶江翻

居于安

定時諸降羗布在郡縣皆爲吏民豪右所徭役

徭使也

積以愁怨及王弘西迎段禧發金城隴西漢陽羗數

百千騎與俱郡縣迫促發遣群羗懼遠屯不還行到

酒泉頗有散叛諸郡各發兵邀遮或覆其廬落於是

勒姐當煎大豪東岸等愈驚遂同時犇潰

姐音紫且翻又音紫

麻奴兄弟因此與種人俱西出塞滇零與鍾羗諸種

大爲寇掠斷隴道

零音憐續漢書曰鍾羗九千餘戶在隴西臨洮谷隴道隴坻之道也

種章勇翻斷丁管翻

時羗歸附旣久無復器甲或持竹竿木枝

以代戈矛或負板案以為楫楫食尹翻或執銅鏡以象兵

銅鏡映日人遙望之以為兵也郡縣畏懦不能制丁卯赦除諸羗相

連結謀叛逆者罪 秋九月庚午太尉徐防以灾異

寇賊策免三公以灾異免自防始辛未司空尹勤以

水雨漂流策免 仲長統昌言曰仲姓也商湯左相仲虺周有仲山甫

舜十六相有仲堪仲熊光武皇帝愠數世之失權忿

彊臣之竊命賢曰昌當也愠猶恨也數世謂元成哀平彊臣謂王莽矯枉過直

政不任下雖置三公事歸臺閣賢曰臺閣謂尚書余謂三公失職非至光

武時始然也自武帝游宴後庭用宦者處樞機至於宣帝專任恭顯而丞相御史取充位事歸臺閣其所

由來者自此以來三公之職備員而已然政有不治漸矣

猶加譴責而權移外戚之家寵被近習之豎被皮義翻親

其黨類用其私人內充京師外布州郡顛倒賢愚貿

易選舉貿音茂疲驚守境驚音奴駑駘馬之下貪殘牧

民撓擾百姓撓音火高翻忿怒四夷招致乖叛亂離斯瘼

用詩語賢曰瘼病也怨氣並作陰陽失和三光虧缺怪異數至

數所角翻蟲螟食稼水旱為災此皆威宦之臣所致然也

反以策讓三公至於死免乃足為叫呼蒼天號咷泣

血者矣放聲而哭曰號咷號戶刀翻咷徒刀翻又中世之選三公也務

於清慤謹慎循常習故者是乃婦女之檢桺賢曰檢桺猶規矩也揚子曰蠢迪檢桺注云檢桺猶隱括鄉曲之常

也毛晃曰檢桺檢束也輔也俗作檢桺非鄉曲之常